

Der brief wart geben ze Ögsburc, an dem vritage vor vnser vrowun tage ze der liehtmis.

Spuren des rückwärts auf der rechten Hälfte aufgedrückten Siegels in weissem Wachs. Der Text, in sehr kleiner Minuskelschreibweise geschrieben, von späterer Hand zweimal durchstrichen.

IV. König Rudolf erlässt ein Stadtrecht für Hagenau. 1286 Juni 14.¹

Or. Reichsarchiv, Habelsches Archiv Fasc. 7.

Wir Rüdolf von Gottes gnaden Romescher kunic allewegen merere des riches dunt kunt alle den, die disen | brief gesehent oder gehorent lesen, daz wir mit ganzen willen des meisters, des rates unde der burgere gemeinliche von Hagenowe durch fride unde durch gnade disiusatzunge, die har^a nach gescriben stat, under in gemachet hant. (1) Von erst han wir gesetzet, das swa ein gescelle oder ein zorn oder ein missehelle geschit in der stat oder in den vorsteten, so sulent die burgere gemeinliche zû dem rihtere swer der ist gan, also das si ime helfen den zorn unde die missehelle stillen unde wern unde den fride schirmen. (2) Dar nach han wir gesetzet, swa ein burgere den andern burgere an den hals slet, so sol der, der den slach getan hat, ein jar von der stat sin unde sol der stat zû Hagenowe in der selben jares frist in einer milen niht genahen. Swa aber ein burgere den ander verwundet, so sol der, [der] die wunde geslaget hat, vier jar von der stat sin unde sol der stat in swein milen nahe niht komen. Swa aber ein burgere den ander zû tode sleht, so sol der, der den totslag getan hat, iemerme von der stat sin unde sol in viere milen der stat nahe niht komen. Unde sol disiusatzunge in der stat zû Hagenowe unde in den vorsteten kraft han unde stete bliben. (3) Swer och den, der den hals slat oder die wunde oder den totslag getan hat, schirmet oder huset oder hofet, der sol in den selben sculden, als der den slag getan hat, sin. (4) Ouch hat der meister, der scultheise, der rat unde die burgere gemeinliche von Hagen(owe) gesworn zû heiligen, disiusatzunge stete unde unzerbrochen zû haltenne hinnan^b zû sancte Johannes messe zû sunnewende unde dannen uber

a) So Or. b) 'h' corr. aus 'b'.

1) Ineditum. Reg. imp. VI, 2029.